



Jumat, 26 Agustus 2022
Ogen: Jop 2: 7-10



Memori Perbudungan & has perbudenna



Adi lit kalimat 'sudah jatuh tertimpa tangga' maka turi-turin kegeluhen Jop si idah kita enda tergedangen denga ka .. *'sudah jatuh tertimpa tangga, di atas tangga ada orangnya, orangnya kabur, tangga kelindes motor, motor kabur dan akhirnya semua orang pada kabur.'* Perasaan si sada, erbebe, la lit teman ... mungkin e me si jadi pilihan sikap Jop paksa si e. Apaika ndeharana jine ngerana alu kata-kata si menyakitkan, "lalap denga kin atendu patuh man Dibata? Sumpahilah IA, jenari mateken bandu!" Kai si ikataken ndehara Jop enda masuk akal kang, Tuhan e dahinna mereken si mehuli banta, adi jahat IA banta, erkai ka kita mehuli ka baNa. Tapi kai pe nina ndeharana, Jop la pernah erdosa man Dibata. Ndehara itepa Tuhan guna jadi penampat man perbulangen. Ia me si nampati perbulangenna i bas kerina dampar kegeluhen. Lit sada turi-turin maka sada paksa mulih arah Gedung putih, presiden ras ndeharana berkat ku rumahna. I bas perdalanan mulih, ngadi ia i bas sada pom bensin. Presiden ngidah maka ndeharana cirem man sada pelayan pom bensin, e maka nina, "engkai maka kam cirem-cirem bagena? O, nggo kueteh, kalak ah mantanndu me paksa SMA". Nina ka, "Untung kal! Untung kam erjabu ras aku, cuba ndai kam erjabu ras ia maka jadi ndeara tukang pom bensin min kam ndai" janahna tawa. Ndeharana ngaloi alu manjar," e labo sayang. Adi aku min ndai jadi ras ia, pasti ia jadi presiden janah kam nge jadi tukang pom bensin." I bas prinsip perjabun maka 1+1 labo sama dengan 2 tapi 1 Kai ertina jadi sada? Sada tujun, sada tanggung jabab mbangun jabu si sempabu i bas Tuhan. Jadilah penampat man perbulangen, temani ia tupung lit perbebenna. Dilaki tupung erbebe pasti suntuk, janah adi la ndehara jadi inganna ngampeken kesuntukenna e banci kiamna ku lapo tuak, erjudi ntahsa diberu-diberu sideban rsd. Dibalik kesuksesan pria ada wanita dibelakangnya, namun wanita juga dibalik kehancuran seorang pria!